



MEMORIA XUSTIFICATIVA DO CONVENIO DE COLABORACIÓN ENTRE A SOCIEDADE ANÓNIMA DE XESTIÓN DO PLAN XACOBEO É O CONCELLO DE SAN CRISTOVO DE CEA PARA A XESTIÓN DO ALBERGUE DE PEREGRINOS SITO EN DITO CONCELLO

A Sociedade Anónima de Xestión do Plan Xacobeo é unha sociedade anónima de capital público da Xunta de Galicia, que segundo os seus estatutos, ten entre as súas finalidades “a realización de actividades dirixidas á xestión dos servizos comúns da rede publica de albergues e do resto do seu patrimonio social”.

2. En concreto, constitúe o obxecto da sociedade a realización das seguintes actividades:

a) A xestión dos ingresos e gastos derivados do funcionamento da rede pública de albergues e do resto de edificios da entidade.

b) A contratación, seguimento e xestión dos servizos de mantemento, seguranza, limpeza, atención así como todos aqueles que sexan necesarios para o correcto funcionamento da rede pública de albergues e do resto do patrimonio da entidade.

A Sociedade Anónima de Xestión do Plan Xacobeo é titular ou ten encomendados neste momento 70 albergues de peregrinos nos Camiños a Santiago de Compostela que conforman a Rede Pública de Albergues de Peregrinos da Xunta de Galicia.





Estes albergues están espallados polos itinerarios declarados oficialmente pola Xunta de Galicia como Camiño de Santiago, que acadan mais de 1300 km, coa seguinte distribución xeográfica:

- Camiño francés: 22 albergues
- Camiño Primitivo: 6 albergues
- Camiño Norte: 8 albergues
- Camiño Inglés: 6 albergues
- Camiño Fisterra / Muxía: 5 albergues
- Camiño Portugués: 10 albergues
- Vía da Prata – Camiño Mozárabe: 13 albergues

A acollida e hospitalidade aos peregrinos conforma unha peza básica na promoción do Camiño de Santiago e os seus valores, e constitúe un dos principais recursos culturais e turísticos de Galicia como figura establecido no Plan Director e Estratéxico do Camiño de Santiago 2015-2021.

Nestes albergues no pasado ano 2019 foron acollidos 305.366 peregrinos de múltiples nacionalidades que percorren estas diversas rutas declaradas Camiño de Santiago en Galicia.

A Sociedade Anónima de Xestión do Plan Xacobeo é titular, cesionaria, ou ten encomendada a rede pública de albergues de peregrinos da Xunta de Galicia, e xestiona a maioría destes albergues directamente, por medio dunha empresa concesionaria. Outros albergues son xestionados polos concellos onde están situados ou por entidades sen ánimo de lucro vencelladas aos Camiños de Santiago.





XUNTA DE GALICIA

CONSELLERÍA DE
CULTURA E TURISMO

S.A. DE XESTIÓN DO PLAN XACOBEO
Estrada Santiago-Noia, km 3
A Barcia, 15897, Santiago de Compostela
www.caminodesantiago.gal



No primeiro caso a Sociedade Anónima de Xestión do Plan Xacobeo ten contratado o servizo de atención ao peregrino, limpeza e cobro nos albergues que xestiona directamente. A empresa contratante asume, en virtude do seu contrato, a xestión do cobro efectuado nos albergues xestionados polos concellos e outras entidades mediante a venda de tickets numerados e correlativos impresos pola Fábrica Nacional de Moneda y Timbre e distribuídos pola Sociedade Anónima de Xestión do Plan Xacobeo.

Dende os inicios de creación da rede pública de albergues de peregrinos da Xunta de Galicia foron acordados diversos convenios de colaboración cos respectivos concellos para a xestión de establecementos deste tipo, mantendo a Sociedade Anónima de Xestión do Plan Xacobeo a titularidade dos mesmos.

Cómpre a renovación destes convenios na medida en que se produza o vencemento dos actualmente vixentes ou na medida que o aconsellen as circunstancias particulares de cada caso.

Ao abeiro deste convenio o concello terá ao seu cargo todos os gastos de conservación, mantemento e funcionamento do albergue da súa localidade, dispoñendo ao mesmo tempo do persoal necesario para atendelo segundo a normativa vixente.

Así mesmo o concello comprométese á venda dos bonos proporcionados pola Sociedade Anónima de Xestión do Plan Xacobeo, a través da empresa adxudicataria, para a utilización dos albergues polos peregrinos e ingresará



Xacobeo 2021





o resultado da recadación obtida na conta designada pola Sociedade Anónima de Xestión do Plan Xacobeo.

A Sociedade Anónima de Xestión do Plan Xacobeo destinará as 2/3 partes da recadación obtida ao concello, para contribuír aos gastos asumidos en virtude deste convenio. O terzo da recadación restante será en beneficio da Sociedade Anónima de Xestión do Plan Xacobeo como titular da rede pública de albergues de peregrinos da Xunta de Galicia, para financiar outros gastos de xestión.

Resulta, por tanto, de interese tanto para a Sociedade Anónima de Xestión do Plan Xacobeo como para o concello de San Cristovo de Cea asinar un convenio sobre esta materia para o albergue sito en Rúa Santo Cristo Nº 5 “Casa das netas “ no Concello de San Cristovo de Cea dado que dito albergue redunda en beneficio dos peregrinos, dos veciños do concello así como da Sociedade Anónima de Xestión do Plan Xacobeo.

A presente actuación é incompatible cunha concorrência competitiva dado que é o albergue público está dentro de dito concello.

Os intereses converxentes das partes asinantes exclúen o ánimo de lucro, dado que as cantidades ingresadas se corresponden unicamente para a compensación de custos do mantemento, e non poden satisfacerse axeitadamente mediante a celebración dun contrato dos contemplados na Lei de Contratos do Sector Público, quedando por tanto excluído de acordo co establecido no artigo 6 do mesmo texto legal.





XUNTA DE GALICIA

CONSELLERÍA DE
CULTURA E TURISMO

S.A. DE XESTIÓN DO PLAN XACOBEO
Estrada Santiago-Noia, km 3
A Barcia, 15897, Santiago de Compostela
www.caminodesantiago.gal



En atención ao exposto e a fin de dar cumprimento ao preceptuado no artigo 15.2 da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende con exclusión de outras figuras.

Asinado: Isaías Calvo de la Uz
O director de Administración e
Relacións coas Asociacións de
Amigos do Camiño de Santiago

S. A. DE XESTIÓN DO PLAN XACOBEO. Inscrita no Registro Mercantil de A Coruña.
Tomo 923, Folio 93, Hoja C-2655, Inscripción 1ª. CIF: A-15348386.



Xacobeo 2021

CVE: du2XJJFz2
Verificación: <https://sede.xunta.gal/cve>

